



Republika e Kosovës / Republika Kosovo / Republic Of Kosovo



Komuna Rahovec / Opština Orahovac / Municipality Rahovec

Drejtoria për Arsim
Odeljenje za Obrazovanje
Department for Education

Informatë nga DKA për përgatitjet për fillimin e vitit të ri shkollor 2023/2024

Përshëndetje të nderuar!



REPUBLIKA E KOSOVËS
REPUBLIKA KOSOVA



KOMUNA E RAHOVECIT - OPŠTINA ORAHOVAC
Drejtoria për Arsim
Odeljenje za Obrazovanje

-Iv- Nr. I prot. 1232 Më 08.9.2023
Br. prot. Dt. 23
RAHOVEC - ORAHOVAC

Drejtoria Komunale për Arsim, ashtu sikur edhe viteve të tjera është angazhuar maksimalisht t'i bëjë të gjitha përgatitjet e nevojshme për fillimin e vitit të ri shkollor 2023-2024. Pas 3 viteve të ç'rregullta të fillimit të vitit të ri shkollor, për shkak të rrethanave të krijuara nga pandemia globale covid-19 dhe vitin e fundit për shkak të rrethanave të krijuara nga grevat e sindikalistëve, më në fund, ky vit i ri shkollor u bë e mundur të fillojë si vit i rregullt shkollor, më 1 shtator 2023.

Më 1 shtator 2023 filloi viti i ri shkollor 2023/2024 në të gjitha shkollat e komunës sonë, përveç në 2 shkolla, në SHFMU "Gëzim Hamza-Piktori" dhe në SHFMU "Rilindja". Në këto dy objekte shkollore, për shkak të punimeve në ndërmarrjen e masave të efijencës së energjisë dhe për shkak të punimeve në renovime të brendshme, viti i ri shkollor nuk filloi më 1 shtator, por më 11 shtator. Ditët e humbura të mësimi në këto dy shkolla do të kompensohen gjatë vitit shkollor.

Gjatë muajit gusht, DKA ka bërë përgatitjet e duhura në planifikimin e orëve dhe kuadrit mësimor për të gjitha nivelet, e poashtu kemi organizuar dhe mbajtur trajnim për mësimdhënësit e rinj në disa nga fushat kurrikulare. Ky trajnim është mbajtur për mësuesit dhe edukatorët e programit fillor dhe parafillor, për fushën kurrikulare të shkencave të natyrës, për fushën kurrikulare të matematikës dhe për fushën kurrikulare të shkencave shoqërore (shoqëria dhe mjedisi).

Procesi mësimor filloi, por në këtë fillim viti u shkaktua një problem i papritur dhe i paplanifikuar nga MASHTI, sepse 10 ditë para fillimit të vitit të ri shkollor, Ministria doli me njoftim se nxënësit nuk do të furnizohen me tekste shkollore ashtu sikur viteve të kaluara, por këto tekste prindërit duhet t'i blejnë vetë dhe pastaj ata do të rimbursohen nga Qeveria me nga 50 euro për tekste shkollore dhe 30 euro për material shkollore për ciklin e ulët, ndërsa me nga 30 euro rimbursim për material shkollore për ciklin e lartë, klasat 6 deri 9.

Ky vendim i ministrisë, përveç që krijoi huti e kaos, shkaktoi edhe vonesë në furnizimin me libra e tekste shkollore për nxënësit e të gjitha shkollave të komunës sonë. Edhe sot e kësaj dite, shumica e nxënësve nuk i kanë tekstet e duhura shkollore, ndërsa nxënësit e klasave 6 deri 9 janë obliguar t'i përdorin tekstet e vjetra të viteve të kaluara, të kthyer nëpër shkolla nga nxënësit e vitit paraprak shkollor. Gjatë ditëve të para të shtatorit jemi angazhuar që sadopak t'u dalim në ndihmë prindërve përmes mësuesve dhe drejtorëve të shkollave që ata ta kenë më të lehtë të orientohen për tekstet që duhet t'i blejnë për fëmijët e tyre, por edhe për t'i udhëzuar ata se si të aplikojnë në platformën e-Kosova për rimbursimin e mjeteve.

Para fillimit të vitit të ri shkollor, përkatësisht më 26 gusht 2023, u organizua dhe u mbajt edhe afati I dytë I Provimit të Maturës, në të cilin morën pjesë 184 maturantë, të cilët nuk e kishin arritur pragun e kalueshmërisë në afatin e parë.

Gjithashtu, në fund të muajit gusht, në datat 22, 23 dhe 24 gusht organizuam edhe afatin e dytë (plotësues) të regjistrimit të nxënësve në klasat e dhjeta në 2 SHML-të dhe në IAAP.

Të nderuar!

Edhe pse DKA ka kërkuar vazhdimisht furnizimin me inventar të 3 çerdheve të reja, të ndërtuara nga buxheti i komunës sonë, ky furnizim akoma nuk ka ndodhur nga Ministria e Arsimit, Shkencës, Teknologjisë dhe Inovacionit. Këto kërkesa për furnizim me inventar i kemi shoqëruar edhe me specifikacionet përkatëse, por furnizimi akoma nuk ka ndodhur deri më sot. Ne kemi rekrutuar edhe stafine edukatoreve që duhet të angazhohen në këto 3 çerdhe, mirëpo pa ardhur inventari, çerdhet nuk mund të funksionalizohen.

Avni Morina

Drejtore i DKA-së

